



**Sámi  
allaskuvla**

## OAHPPOPLÁNA

---

# BAGADALLANPEDAGOGIHKKA 1

15 oahppočuoggá

|  |   |
|--|---|
|  |   |
| <b>Namma</b>                               | Samisk: Bagadallanpedagogihkka 1<br>Dárogillii: Veiledningspedagogikk 1<br>Engelasgillii: Supervision and Mentoring 1<br>Suomagillii: Ohjaus ja mentorointi 1   |
| <b>Fágakoda ja fágadássi</b>               | PED 602   |
| <b>Oahpu gullevašvuohta ja fágastáhtus</b> | Oahppu fálojuvvo joatkkaoahppun oahpaheddjiide ja earáide, geain lea profešuvdnaoahppu ja geat dárbbasit barggus bagadallanmáhtu.<br><br>Oahppu lea oavvilduvvon oahpaheddjiide ja eará fágaolbmuide geat dárbbasit máhtu bagadallat easka álgi oahpaheddjiid ja kollegaid, ja oahpaheddjiide geat háliidit bargat hárhallanoahpaheaddjin ja hárhallanoahpaheddjiide geain váilu bagadallanoahppu.  |
| <b>Viidodat</b>                            | 15 oahppočuoggá   |
| <b>Oahpu lágideapmi</b>                    | Oahppu lea neahttavuđot oasseáiggeoahppu. Oahpus leat guokte neahttadeaivvadeami: oahpu álggus ja oahpu loahpas. Dan gaskkas studeanttat barget okto ja joavkkus.   |
| <b>Sisabeassangáibádusat</b>               | Sisabeassangáibádus ohppui lea mánáidgárdeoahpaheaddjeoahppu, vuodđoskuvla- dahje dábálašoahpaheaddjeoahppu, praktihkalaš pedagogalaš oahppu, mánáidsuodjaluspedagoga, sosionoma, suodjalandivššár, politiija dahje eará heivvolaš oahppu universitehtas dahje allaskuvllas. Sáhtta árvvoštallot reálagelbbolašvuođa duogážiin.<br><br>Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáiigásaš giellan (moderna språk 200-300 čuoggá) dahje vástideaddji sámegieloahppu doaimmi njuolggadusaid mielde. Sámegiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvvoštallamii ja meannuduvvo dán vuodul. |
| <b>Oahpahasgiella</b>                      | Oahpahas lea davvisámegillii. Vurdojuvvo ahte studeanttat bastet lohkat dáro-, ruota- ja engelasgielat lohkanmeari.   |
| <b>Fágalaš sisdoallu ja organiseren</b>    | Oahppu addá formála gelbbolašvuođa bagadallat iežas suorggis, nugo vuodđoskuvlaoahpaheaddjeoahpu, mánáidgárdeoahpaheaddjeoahpu, praktihkalaš pedagogalaš oahpu, joatkkaskuvlla easka álgi oahpaheddjiid ja joatkkaskuvlla hárhallama oahpaheaddjestudeanttaid ja eará oktavuodáin nugo organisašuvdna- ja skuvlaovdánahttima oktavuodáin.   |

Oahpu ulbmilin lea giedahallat fáttáid dan birra mo bagadallat oahpaheaddjestudeanttaid, easka álgi oahpaheddjiid ja earáid geat dárbbasit bagadallama oahppoásahusain ja eará organisašuvnnain.

Oahppu sisttisoallá teorehtalaš láidehusa bagadallamii, vuorrováikkuhusmáhttui ja oahppan- ja ovdánahttinproseassaide. Bagadallanpedagogihkka guovddáš sisdoallu lea iežas bagadallangeavadiid geahččaleapmi ja ovdánahttin teoriijaid vehkiin. Iežas ja earáid vásáhusaid birra ságastallo ovttas. Oahppu sisttisoallá maid geavatalaš hárbjehusaid ja teoriija ja praksisa suokkardallama čálalaččat ja njálmmálaččat pensuma vehkiin.

Studeanta searvá aktiivvalaččat deaivvademii, neahttaoahpahussii ja kollokviejoavkobargguide. Dát oahppoovttadat čatnasa iešguđetlágan fáttáide, main bagadallanteorehtalaš čuolmmat čatnet oktii bagadallanmetodalaš gažaldagaid.

Sisdoallu lea juhkkon guovtti váldofáddái:

#### **Fáddá 1: Láidehus bagadallamii**

- Bagadallama vuodđodoahpagat
- Bagadallama teoriijat ja metodat
- Gulahallan ja ovttasdoaimman
- Bagadallanságastallamiid sisdoallu ja čadaheapmi
- Etihkka, váldi ja kontrolla
- Sámi sisdoallut ja skuvllaid ja mánáidgárddiid servodatmandáhtta

#### **Fáddá 2: Bagadallan hárbjehallamis ja oahppoásahusain ja eará organisašuvnnain**

Maid mearkaša leat hárbjehallanoahpaheaddji ja kollega:

- Hárbjehallanoahpaheaddji gáibádusat ja doaimmat ja dasa gullevaš dokumeanttat
- Kollegaid bagadallan
- Oahpaheaddjestudeanttaid profešuvdnamáhtu ja profešuvdnaidentitehta ovdánahttin
- Bagadallan ja árvoštallan
- Didaktihkalaš analysa bagadallama vuodđodoaimman
- Mánáidgárddit ja skuvllat oahppoarenan.

|  |   |
|--|---|
| <p><b>Oahppanjoksosat</b></p>          | <p>Oahpus studeanta olaha čuovvovaš oahppanjoksosiid:</p> <p><i>Diehtu:</i><br/>Studeanta hálddaša ja dovdá</p> <ul style="list-style-type: none"> <li>– bagadallama, gulahallama, ovttasbarggu ja ovttasoahppama guovddáš teoriijaid, metodaidda ja doahpagaidda</li> <li>– ámmáhii gullevaš ovdáneami, rollaid ja ovttasdoaimmama proseassaidda</li> <li>– mo plánet, organiseret, jođihit ja čađahit bagadallanságastallamiid profeshuvnna etihkalaš prinsihpaida ektui</li> <li>– mo suokkardallat iežas vásáhusaidda bagadallanpraksisa ektui ja rievdadit doaimmaid reflekterema vuodul</li> <li>– konteavstta, kultuvrra ja servodaga mearkkašumi bagadallamiid eandalii sámi ja kultuvrralaš girjái vuoda ektui</li> <li>– mo čađahit bagadallanproseassa nu ahte das šaddá pedagogalaš ja fágalaš oahppan- ja ovdánanproseassa</li> <li>– 5-jagi oahpaheaddjeoahpu masteroahpu gáibádušaidda bagadallamiid ja bagadallamiid</li> </ul> <p><i>Máhttu:</i><br/>Studeanta máhttá</p> <ul style="list-style-type: none"> <li>– plánet, jođihit ja čađahit bagadallanságastallamiid profeshuvnna etihkalaš prinsihpaida ektui</li> <li>– čađahit bagadallanproseassa nu ahte das šaddá pedagogalaš ja fágalaš oahppan- ja ovdánanproseassa</li> <li>– suokkardallat iežas vásáhusaidda bagadallanpraksisa ektui ja rievdadit doaimmaid reflekterema vuodul</li> <li>– árvvoštallat oahpaheaddjestudeanttaidda oahppama progreshuvnna</li> </ul> <p><i>Oppalaš gelbbolašvuobta:</i><br/>Studeanta</p> <ul style="list-style-type: none"> <li>– máhttá doaimmat bagadallin fágalaš ja etihkalaš čuolmain su ektui guhte galgá boahit bagadallot</li> <li>– máhttá identifiseret iežas rolla bagadallin ja máhttá čađahit bagadallama fágalaš ja etihkalaš gáibádušaidda ja njuolggadusaidda ektui</li> <li>– dovdá sámi skuvlla diliid ja ovdánahttimii gullevaš bagadallama iešvuodaidda ja máhttá ávkkástallat digitálačovdosiid</li> </ul> |
| <p><b>Oahpahan- ja bargovuogit</b></p> | <p>Gelbbolaš bagadallin šaddan gáibida suokkardallat oahpu áigge sihke iežas ja earáid geavtalaš vásáhusaidda. Danin deattuhuvvojit studeantaguovddáš ja studeantaaktiveredeaddji metodat, nugo iežas bagadallamiid analyseren, vásáhusaidda lonohallan, joavkohárjehusat, rollaspealut ja ságastallamat. Lassin oahppu sisttisoallá logaldallamiid, teoriijaid ja dutkamušaidda lohka iešheanaláččat ja lohkanallokviejoavkkuin, ja fágalaš ja suokkardallin čállošiid, loggačállima ja ovdanbuktimiid.</p>  |

|   |  |
|---|--|
| <p><b>Gáibádusat beassat eksámenii</b></p>                        | <p>Studeanttat galget čadahit 15 diibmosaš bagadallanhárjehallama. Hárjehallan galgá vuosttamuzžan čadahuvvot studeantta iežas bargosajis dahje eará sullasaš bargooktavuođas. Studeanttas lea ovddasvástáduš plánet ja čadahit iežas hárjehallama su iežas vuodđoavttuid vuodul.</p> <p>Čuovvovaš oasit galget leat dohkkehuvvot ovdalگو beassá eksámenii:</p> <ul style="list-style-type: none"> <li>• Hárjehallama čađaheami bargobihtát:       <ol style="list-style-type: none"> <li>1) iehčanas plána bagadallanhárjehallama várás</li> <li>2) golbma (3) iehčanas loggačállosa hárjehallama áigge bagadallanságastallamiid birra</li> </ol> </li> <li>• Hárjehallamis studeanta čađaha unnimusat golbma bagadallanságastallama oahpaheadjestudeanttaiguin dahje/ja easka álgi kollegaiguin. Vuosttaš refleksuvdnalogga lea sullii 1000 sáni ja nubbi logga lea 1300 sáni. Goalmmát loggas galgá suokkardallat bagadalli rolla iskkademiin observerema ja rollamodealla doaimmaid (1300 sáni).</li> <li>• Čálalaš čoahkkáigeassu bagadallidoaimma birra dahkko loahpas, 1000 sáni.</li> <li>• Njálmmálaš joavkobargu nuppi deaivvadeamis mas háleštuvvo hárjehallanoahpaheadjeduoimma birra, 20 min. Joavkobargu báddejuvvo digitálalaččat.</li> <li>• Studeanta galgá čuovvut unnimusat 80 proseantta oahpus aktiivvalaččat.</li> </ul> <p>Árvvoštallan dohkkehuvvon/ii dohkkehuvvon.</p> |
| <p><b>Eksámen ja árvvoštallan</b></p>                             | <p>Eksámen lea guovtte oasát:</p> <ol style="list-style-type: none"> <li>1. Digitála profešuvdnamáhppa, mas studeanta ovdanbuktá su ovdáneami bagadallin ja bagadallanpedagogihkas. Studeanta čohkke profešuvdnamáhppii bargguid reflekteeremiid olles oahpu áigge. Lassin studeanta buktá ovdan profešuvdnamáhpas bagadallanjurddašeami iešvuodaid ja ovdáneami.</li> <li>2. Nubbi oassi eksámenis sisttisdoallá čálalaš 5 beaivvi ruovttueksámena, sullii 2800 sáni/sullii 10-15 siidomearri oktagaslaš bargun dahje joavkobargun sullii 15-20 siiddu. Bargobihtta sisdoallu huksejuvvo oahpu ulbmiliid ektui.</li> </ol> <p>Árvvoštallan goappaš osiin: ceavzán/ii ceavzán. Fága ii leat ollislaš ovdalگوappaš osiid lea ceavzán. Čujuhuvvo Sámi allaskuvlla eksámen- ja loahpalašárvvoštallama lánkaásahussii.</p>   |
| <p><b>Lea go privatisttain vejolaš váldit dán fága/fáttá?</b></p> | <p>Fága ii leat vejolaš váldit privatistan.</p>  |
| <p><b>Kvalitehtasihkkarastin</b></p>                              | <p>Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.</p>  |

|  |   |
|--|---|
|  | <p>Studeantadásis oahppu árvoštallojuvvo evaluerenčoahkkimis ja studeanttat devdet árvoštallanskovi oahpu loahpahettiin. Ásahusdásis oahppu árvoštallojuvvo studeantaárvoštallamiid, eksámenraporttaid, sensorraporttaid ja fágaraortta vuodul.</p> |
|--|---|